

MISSION FIELD TLAWH LEH WORK CAMP INKAIHHRUAINA

BCM hnuaiia Tualchhông Kohhran, Bial leh FOD-te mission rawngbâwlnaah kan tui tlâng hle a, a lâwmawm êm êm a ni. He rawngbâwlna kan tui êm avâng hian Mission Field tlawh a, kan missionary-te rawngbâwlna hmuhpui te pawh kan châk thîn a, hei hi thil tha tak a ni e. Mission Field kan tlawh dâwn a nih chuan hêng a hnuaiia Inkaihhruaina siam hi zahin zawm thiam hrâm pawh tum ila.

1. Mission field tlawh duh chuan BCM Headquarters, Mission Department Office-ah an dîl anga, a tûl angin a hun leh hmun tur an lo ruahmanpui thîn ang.
2. Field Director-in Field chhônga tlawhtute rawngbâwl dân tur a lo ruahman thîn ang a, a ruahmanna chu Regional Director a hriattîr ang.
3. Mission Field tlawhtute'n Mission Field-a kan thawktute tihautak lo thei ang berin khawsak tum tur a ni.
4. Field tlawhtu tur group chu mi 20 (sawmhnih) aia tam lo ni se.
5. Field kan tlawhin thawktute zingah tlawhtu kohhran/Bial mi emaw Tualchhông/Bial/Mi mal/ Pâwl ho châwm (Private support Missionary) an awmin duhsak bîk emaw ngaihsak bîk neih tur a ni lo.
6. Mission Field tlawh an ni tih hre rengin Field tlawhtute'n Field an tlawhin thlarau lam programme leh activities a tam thei ang ber hman tum tur a ni.
7. Mission Field-a kan thawktute hi an famkim bîk loh avângin field-a kan châm chhôngin an mahni aţanga tlawhtute beisei ang inngaihsakna leh duhsakna te, famkim lohna chi hrang hrang kan lo hmu palh a nih pawhin a chhe zâwnga sawi mai lovin intisâwt tawn tur zâwngin infuih thîn tur a ni.
8. Kan Field tlawh thîn hi Mizoram chhông a ni emaw a pâwn a ni emaw kan mamawhte lei tûra Bazar a tûl a nih pawhin programme zawh hnuah chauh Bazar rilru put tur a ni.
9. Tlawh ngai loh rama kal kan nih vângin hmun dang tlawh duh (sightseeing) kan nei a nih pawhin Mission Field tlawh anga programme a zawh hma chuan tih loh tur a ni ang.
10. Zûk leh hmuam ti thîn leh Kuhva (Pânkhawr) ei mite tân Field-a châm chhôngin insûm tur a ni a. Ruihtheih thil dang zu leh damdawi ruih chingte chu kal khap tlat a ni. Hei hian Work-Camp nei tura kalte pawh a huam ang.

11. Mi hnam kêra hun eng emaw chhông khawsa tur kan nih avângin Mission Field tlawhtute chuan zunram thiar kawngah te, inchei dân te leh tui in dân chenin kan fimkhur tur a ni.
12. Mizorama mipa leh hmeichhia inkawm dân ang angin (inkuah, invuan, inben thawk thawk te leh a dangte) mi ram (Mission Field)-ah chuan tih loh tur a ni a, a fâla mipa leh hmeichhia tlat hran phei chu khap tlat a ni.
13. Kum khat chhôngin, Field tlawhtu Group thum (3) aia tamin Field pakhat an tlawh tur a ni lo.
14. Mi mal leh thianzaho mahni sum sênga kal tumte pawhin Headquarters Mission Department Office-ah an dîl tur a ni.†
15. 15. Headquarters hriatpui lohvin Field Director te leh missionary ten Field tlawh tur leh Work Camp turte sâwm emaw remtihna lo pêk ve phal a ni lo.

Sd/-

(REV.DR.C.VANLALDIKA)

Associate General Secretary i/c Mission
Baptist Church of Mizoram